

應免俱宜照舊難准再行外所擬在京各衙門官吏并府衛  
軍民旗校匠厨人等有犯合無准言行移刑部准行各衙門  
提取不必着令各城兵馬司捉拿庶免事體冗當奉  
聖旨是欽此

天順八年十二月十一日兵部尚書王

等題該直隸壽

州衛致仕都指揮僉事李素奏近奉中軍都督府勘合該  
戶科給事中童軒言謹邊備內開不拘閹閹世月不限山  
林行伍并許

上書陳言節該奉

聖旨有將財者許他上書自陳通行天下軍衛有司知道欽此欽遵備  
行到衛將所言事件開坐具奏奉

聖旨該衙門知道欽此欽遵令將本官所言事件逐一議擬開立前  
件具題奉

聖旨是欽此

計開

一江西南昌府豐城縣老人龔鼎新言一件清理  
軍伍等事臣切照各處清解軍伍中軍多有

校僧軍區或令戶丁 原逃正身營充司府州縣  
吏役營謀書算在房主文避重就輕凡過坐冊清勾  
串同一般軍屬設計將發到文冊密切扣換又將緊  
急字樣洗補那移或換鄉貫或改姓名致使里老無  
從挨解有清出應解軍丁又將義男女婿或買無籍之  
徒頂名代解有行至中途脫逃者有到衛題即逃回  
者以致案無杜絕官司被其擾害里老被其累靠損  
民難深為不便乞

勅該部通行巡撫巡按并清軍御史出榜嚴加禁約今後軍區之家營充里役  
若仍前將義男女婿家人顧覓他人頂補及解人知而  
不舉者許諸人首告一體問發充軍另解清丁補伍如  
此則軍無缺伍官下被擾